

EAEko polizia nazionalen kopurua gehitzeko asmoa agertu du Olivaresek

Arazoei aurre egiteko «gutxiegi» daudela esan du Poliziako arduradunak

Angel Olivaresek, Polizia Nazionaleko zuzendari nagusiak, uste du agente gehiago behar direla EAEn funtzioak egoki betetzeko. «Hitzartutakoa errespetatuko dugu baina funtzio batzuk betetzeko gehiago behar direla uste dut», adierazi zuen atzo Basauriko koartelean.

BILBO



Angel Olivares Poliziako zuzendaria Agirianoekin Basaurin egindako ekitaldian.

EFE

Ertzaintza zabaldua dagonetik gorputz polizial bakoitzaren betebeharrak zehaztuta daude, baina ez zerbitzu horiek betetzeko agente kopurua. Barne Sailak Madrilgo Barne Ministerioaren erantzunaren zain dago agente kopurua jakiteko, baina atzo Olivaresek zerbait aurreratu dio: baliteke kopurua murriztu beharrean, gehitzea.

Polizia Nazionaleko zuzendariak funtzionarioak lasaitu zituen eta esan zien ez duela inork alde egingo beraien borondatez ez bada. «Trasladoa eskatzenez badu ez du inork alde egingo. Hala ere, beste funtzio batzuk bete beharko ditugu eta horiek egiteko gaitasuna erakutsi beharko duzue», esan zien Basauriko koarteleko agenteei euren eguna ospatzeko ekitaldian.

«Polizia Nazionalak EAEn segituko du dagozkion funtzioak betetzeko. Gainera baliteke funtzio hauek egoki bete daitezen agente kopurua gehitzea», azpimarratu zuen. Polizia Nazionalak 1.721 agente ditu EAEn, Vic-

tor Garcia Arabako gobernadore zibilak joan den uztaillean jakinarazi zuenez. Jefatura Bilbon du, Gasteizen eta Donostian komisaldegia ditu, eta Basaurin eta Betoñon (Gasteizen) koartelak.

Prebentzio lana izango da hementik aurrera betebeharrak nagusia, Olivaresek esan zuenez: «Segurtasun arazoak gorputz polizial guztien zeregina da. Orain arte patruilatzen aritu gara baina orain informazioa lortzeko ahaleginak sendotuko ditugu».

**AGIRIANO
ETA
FELICES**

Polizia Nazionalaren eguna ospatzeko ekitaldian Goardia Zibileko agintariak, Bilboko Entzutegi Nazionaleko kideak, Euskal Autonomi Elkarteko hiru lurraldeetako gobernadore zibilak, Jose Antonio Agiriano EAEko Espainiako Gobernuaren ordezkaria eta Juan Bautista Felices EAEko Polizia Nazionaleko zuzendaria egon ziren besteak beste.

Agiriano, Olivaresek bezala, Polizia Nazionalaren betebeharrak azpimarratu zituen: «Ertzaintza egoteak ez du esan nahi Polizia Nazionalak ez duela zereginik, konpetentziak beste era batera antolatu direla baizik».

EAEko Polizia Nazionaleko zuzendariak, berriz, jakinarazi zuen orain arteko zereginak «agente gutxirekin» bete direla eta dagokion funtzioa beteko duela nabarmendu zuen. «Estatutuak, Konstituzioak eta Legeak ematen dizkiguten funtzioak beteko ditugu», esan zuen Felicesek.

Errenterian pertsona bat atxilotu zuen Ertzaintzak, joan den asteazkenean atzeman zituen molotov koktel batzuk prestatu zituelakoan. Gero libre utzi zuen deklaratu ondoren. Urnietan, bestalde, bi kamioi gurutzatu zituzten bide erdian manifestaldi baten ondoren.

Iturriagaren askatasun eskaria Ganekogortaraino eramane dute

I.U. / BILBO

Euskalduna untiolan jardun zuten langileek Jon Iturriagaren askatasun eskaria Ganekogorta (Bilbo) mendiraino eramane zuten atzo. Goiz euritsuaz euskal presoaren lankide ohiek Iturriagaren argazki bat utzi zuten gailurrean. Itzuleran berrehun bat pertsona zain zeuden Bilboko Zabalburu plazan xede berberaz egindako manifestazioan parte hartzeko.

'Jon etxera' eta 'Giza eskubi-

deak non daude?' oihukatuz Arriaga plazaraino jaitsi ziren. Nafarroa kalera helduta Ertzaintzak manifestazioa geldiarazi eta nortasun agiria eskatu zien enpresa batzordeko partaide ziren bi langileri. Ekitaldiaren amaieran, Felipe Fernandezek esku hartze haundiagoa eskatu zien alderdi, sindikatu eta bake taldeei. Hauek nahi balute, Iturriaga libre legokeela esan zuen.

Urriaren 20an euskaldunako langileek kanpaldi bat hasiko dute Arenaleko parkean.



Euskaldunako langileak atzoko manifestaldiaren buruan. XÓUSE SIMAL

Istilu ugari izan dira Hego Euskal Herrian

DONOSTIA

Istilu ugari gertatu dira Hego Euskal Herriko hainbat herritan. Billabonan (Gipuzkoan) autobus bat txikitu zuten ezezagun batzuek molotov koktel batzuk jaurtiki ondoren. Errenterian pertsona bat atxilotu zuen Ertzaintzak eta gero libre utzi zuen, molotov koktel batzuk aurkitu ondoren. Gasteizen bi lagun atxilotu zituen Ertzaintzak, eta Iruñean ezezagun batzuek telefono kabinak eta banketxe batzuk erre zituzten atzo goizaldean.

Donostiatik Tolosarako bidea egiten duen autobus bat txikituta geratu zen ostiral gaueko hamaiketan ezezagun batzuek molotov koktel batzuk jaurtiki eta gero. Enpresako iturriek adierazi dutenez, N-1ean gertatu zen atentatua, Billabona parean. Autobusa, Volvo etxekoa, erabat kiskalduta geratu zen.

Basaurin eta Portugaleten (Bizkaian) burua estalita zuten lagun batzuek barrikadak jarri zituzten, eta hainbat banketxeri eraso egin zieten. BBV, BBK eta Banco Gipuzcoanoren bulegoetara molotov koktelak jaurtiki zituzten, eta Peugeot etxearen bulegoa harrikatu zuten Basaurin. Portugaleten antzerakoak geratu ziren, ezezagun batzuek, beisboleko makilekin, hainbat banketxetako kristalak hautsi baitzituzten.

Bilbon Telefonikako furgoneta bat erre zuten molotov koktelak jaurti ondoren, eta Gasteizen Renault etxearen bulego bati eraso egin zioten atzo goizaldean. Kristalak hautsi zituzten eta koktelen eraginez hormak beltz-beltz geratu ziren. Eibarraren Haziendaren bulegoan aurka jaurti zituzten molotov koktelak, nahiz eta barrura ez ziren sartu. Kalte bakarrak hormetan izan ziren.

Errenterian pertsona bat atxilotu zuen Ertzaintzak, joan den asteazkenean atzeman zituen molotov koktel batzuk prestatu zituelakoan. Gero libre utzi zuen deklaratu ondoren. Urnietan, bestalde, bi kamioi gurutzatu zituzten bide erdian manifestaldi baten ondoren.

Iruñean, berriz, hainbat banketxe, telefono kabina eta kontenedore hautsi zituzten herenegun gaueko protestetan.

UNIVERSIDAD DEL PAIS VASCO



EUSKAL HERRIKO UNIBERTSITATEA

ZIENTZI FAKULTATEA

Klaseen hasiera - 1995/96 ikasturtea

-Urriaren 2an:

Lizentziatura guztietako bigarren, hirugarren, laugarren eta bosgarren ikastaroak eta Biokimikako lehenengo ikastaroa.

-Urriaren 9an, arratsaldeko 16etan, HARRERA egingo da lehenengo ikastaroko ikasleei, Leioako Ikasgela Nagusian.

OIALUME

BILTOKIA

• Denboraldiaren hasiera. Urriak 1
"TRAKETS" eta "NAHI TA NAHIEZ" taldeekin

OIALUME AUZOA

HERNANI

